

**A N U N C I O**

Na sesión ordinaria do Pleno do Concello de Salceda de Caselas celebrada o 30 de decembro de 2010 adoptáronse, entre outros, os seguintes acordos:

1.—Aprobar de xeito provisorio o establecemento da taxa pola prestación do servizo de axuda no fogar no Concello de Salceda de Caselas e a ordenanza fiscal municipal reguladora da mesma.

2.—Expoñer os devanditos acordos, previa publicación de tal exposición no Boletín Oficial da Provincia de Pontevedra, no taboleiro de anuncios do Concello durante trinta días, dentro dos cales os que segundo o artigo 18 do Real Decreto Lexislativo 2/2004, de 5 de marzo, polo que se aproba o Texto Refundido da Lei reguladora das facendas locais teñen a consideración de interesados, poderán examinar o expediente e presentar as reclamacións que estimen oportunas.

3.—Finalizado o período de exposición pública, o Concello adoptará os acordos definitivos que procedan, resolvendo as reclamacións que se tivesen presentado e aprobando a redacción definitiva da ordenanza. No caso de que non se tivesen presentado reclamacións, entenderase definitivamente adoptado o acordo, até entón provisorio, sen necesidade de acordo plenario.

4.—En todo caso, os acordos definitivos a que se refire o apartado anterior, incluíndo os provisorios elevados automaticamente a tal categoría, e o texto íntegro da ordenanza, haberán de ser publicados no Boletín Oficial da Provincia de Pontevedra, sen que entre en vigor até que se teña levado a cabo a devandita publicación.

Téndose sometido os devanditos acordos a exposición pública mediante anuncio publicado no taboleiro de edictos do Concello de Salceda de Caselas, previo anuncio no BOP de Pontevedra nº 16, de 25 de xaneiro de 2011, durante o prazo de trinta días hábiles establecido ao efecto, entre os días 25 de xaneiro e 2 de marzo de 2011, de acordo co informe emitido o 3 de marzo de 2011 pola encargada do rexistro xeral do Concello, segundo o cal non foi presentada no rexistro xeral do Concello de Salceda de Caselas reclamación algunha no devandito prazo, esta Alcaldía ditou, en uso das atribucións que lle confere o artigo 21.1.a), r) e s) LRBRL, decreto o 3 de marzo de 2011 polo que resolveu

1.—Entender elevados a definitivos os devanditos acordos plenarios provisorios de establecemento da taxa pola prestación do servizo de axuda no fogar e de aprobación da ordenanza fiscal municipal do Concello de Salceda de Caselas reguladora da mesma por non terse presentado reclamación alguna ao mesmo durante o prazo establecido ao efecto, en aplicación do artigo 17.3 TRLRFL.

2.—Dispoñer o inserimento no Boletín Oficial da Provincia de Pontevedra dos acordos definitivos a que se refire o apartado anterior, incluíndo os provisorios elevados automaticamente a tal categoría, e o texto íntegro da ordenanza fiscal, con indicación que contra os mesmos non cabe outro recurso que o contencioso administrativo, que se poderá interpor, a partires de tal publicación na forma e prazos que establecen as normas reguladoras da devandita xurisdición (19.1 TRLRFL), e sen que entren en vigor até que se teña levado a cabo a devandita publicación. (17.4 TRLRFL)

**ORDENANZA FISCAL REGULADORA DA TAXA POR A PRESTACIÓN
DO SERVIZO DE AXUDA NO FOGAR DO CONCELLO DE SALCEDA DE CASELAS**

No uso das facultades conferidas polos artigos 133.2 e 142 da Constitución e polo artigo 106 da Lei 7/85, de 2 de abril, reguladora das Bases do Réxime Local, de conformidade co disposto nos artigos 15 ao 20 do Real Decreto Lexislativo 2/2004, de 5 de marzo, por o que se aproba o Texto Refundido da Lei reguladora das Facendas Locais (en adiante TRLRFL), o Concello de Salceda de Caselas establece a taxa por a prestación do servizo de axuda no fogar a que se refire o artigo 20.4.n) do TRLRFL, que se rexerá por a presente Ordenanza Fiscal.

ARTIGO PRIMEIRO.—FEITO IMPOÑIBLE:

Constitúe o feito impoñible desta taxa a prestación do servizo de axuda no fogar concedido a través dos servizos Sociais municipais nos termos e condicións do Regulamento do servizo.

**ARTIGO SEGUNDO.—SUXEITOS PASIVOS:**

Serán suxeitos pasivos desta taxa as persoas que soliciten e se beneficien do servizo, tanto as persoas que teñan recoñecida a situación de dependencia por Resolución da Comunidade Autónoma como as que, non tendo recoñecida a situación de dependencia reciban ou se beneficien do servizo de axuda no fogar.

ARTIGO TERCEIRO.—RESPONSABLES:

A responsabilidade será asumida nos termos do artigo 41 da Lei Xeral Tributaria. Serán responsables solidarios ou subsidiarios, as persoas ou entidades que se refiren, respectivamente, nos artigos 42 e 43 da Lei Xeral Tributaria.

ARTIGO CUARTO.—EXENCIONES:

Segundo o establecido no artigo 24.4 do TRLRFL, onde se determina que para o establecemento da contía das taxas poderán terse en conta criterios xenéricos de capacidade económica dos suxeitos obrigados a satisfacelas, e en virtude do exposto no apartado primeiro do artigo 18 da Orde de 22 de xaneiro de 2009, reguladora do servizo de axuda no fogar, gozarán de exención da obriga de pago da taxa aqueles contribuíntes cuxa capacidade económica sexa igual ou inferior ao indicador de rendas de efectos múltiples (IPREM). A capacidade económica das persoas usuarias do servizo determinarase conforme ao establecido no artigo seguinte.

ARTIGO QUINTO.—COTA TRIBUTARIA:

A cota tributaria virá determinada pola duración do servizo e pola capacidade económica das persoas usuarias do mesmo tendo en conta o seguinte, de acordo co establecido no regulamento do servizo aprobado.

A cota mensual a pagar determinarase segundo o importe resultante de multiplicar o número de horas de prestación do servizo no mes pola tarifa/hora que corresponda (segundo os custes que teña que soportar o Concello e que será comunicado aos beneficiarios do servizo) aplicando ao resultado obtido escala fixada no artigo 9ª do regulamento do servizo aprobado.

ARTIGO SEXTO.—DEVENGO, PERÍODO IMPOSITIVO E INGRESO:

- As taxas reguladas na presente Ordenanza fiscal devengarase no momento en que se notifique a prestación do servizo.
- O período impositivo será mensual. Poderán liquidarse trimestralmente.
- O pagamento das taxas realizarase a mes vencido, mediante domiciliación bancaria que autorizará o solicitante do servizo, por escrito, no momento da concesión e nos quince primeiros días do mes seguinte a terminación do trimestre/mes ou mediante ingreso na conta bancaria do concello indicada ao efecto que se realizará dentro dos dez días seguintes a aquel no que lle sexa comunicado o importe correspondente á mensualidade.
- A falta de pagamento da cota dun mes/trimestre suporá a interrupción do servizo.

ARTIGO SÉTIMO.—INFRACCIÓN E SANCIÓN:

No relativo as infraccións e sancións tributarias desta Ordenanza será de aplicación o disposto na Lei Xeral Tributaria e demais normativa de aplicación.

DISPOSICIÓN FINAIS

No non previsto na Ordenanza fiscal será de aplicación a Lei Xeral Tributaria e demais normativa de aplicación.

Esta Ordenanza Fiscal entrará en vigor o día seguinte da súa publicación no Boletín Oficial da Provincia permanecendo vixente en tanto non se acorde a súa modificación ou derogación expresa.”

Salceda de Caselas, a 3 de marzo de 2011.—O Alcalde, Marcos David Besada Pérez.

2011002444